

0089

R B133 AAB
MAHATHIR - RAMALAN
(EMBARGO: UNTUK SIARAN SELEPAS 6 PETANG INI)

OLEH ABDUL RAHMAN SULAIMAN

(I)

KUALA LUMPUR, 28 DIS (BERNAMA) -- DATUK SERI DR MAHATHIR MOHAMAD MERAMALKAN AKAN BERLAKU SEMULA PERGOLAKAN DI BLOK TIMUR PADA MASA AKAN DATANG EKORAN KEJATUHAN KOMUNISME DI HAMPIR SELURUH DUNIA.

ADA KEMUNGKINAN IA AKAN MEMBAWA KEMBALI KEPADA PEMERINTAHAN SECARA AUTORITARIAN (PRINSIP YANG MENGUTAMAKAN TAAT SETIA KEPADA PIHAK YANG BERKUASA DI SESEBUAH NEGARA); KATANYA.

PERDANA MENTERI BERKATA DEMIKIAN DALAM WAWANCARA AKHIR TAHUN DENGAN EDITOR-EDITOR KANAN MEDIA TEMPATAN DI SINI, KETIKA DIMINTA PANDANGANNYA MENGENAI TANGGAPAN UMUM BAHAWA DEMOKRASI KINI MENDAPAT TEMPAT BERIKUTAN DENGAN KEGAGALAN SOSIALISME DAN KOMUNISME.

BELIAU BERKATA: +JANGKAAN KONONNYA OLEH KERANA SESEBUAH NEGARA MENGAMALKAN DEMOKRASI, MAKA IA AKAN MENCAPAI KEMAKMURAN, ADALAH JANGKAAN YANG TERLALU LURUS. TIDAK SEMUDAH ITU UNTUK MENGURUSKAN DEMOKRASI, MUNGKIN LEBIH MUDAH UNTUK MENGURUSKAN SEBUAH PEMERINTAHAN AUTOKRASI. BEGITU BANYAK TIMBUL GANGGUAN POLITIK SEHINGGA TIDAK MUDAH BAGI NEGARA BERKENAAN MENCAPAI PERTUMBUHAN.+

DENGAN MENGAMBIL SOVIET UNION SEBAGAI CONTOH, BELIAU BERKATA SELAMA 70 TAHUN NEGARA ITU TIDAK MEMPUNYAI SISTEM KEUSAHAWANAN PERSENDIRIAN ATAU PENGURUS PERSENDIRIAN HINGGA KEMAMPUAN RAKYAT UNTUK MENGURUSKAN SISTEM PASARAN BEBAS SANGAT TERHAD KERANA KETIADAAN PENGALAMAN. -- LAGI.

1522MST 28 12 89

0090

R B134 AAB
MAHATHIR - RAMALAN 2 KUALA LUMPUR

+OLEH SEBAB ITU, SEMENTARA ADA KEMUNGKINAN WUJUDNYA KEBEBASAN POLITIK, EKONOMI PULA MUNGKIN GAGAL MEMBAWA APA YANG DIHARAPKAN OLEH RAKYAT DAN INI MUNGKIN MENAKIBATKAN TIMBULNYA PERGOLAKAN MELAINKAN NEGARA-NEGARA BARAT MEMPUNYAI PANDANGAN YANG JAUH LEBIH POSITIF.

+KINI BARAT NAMPAKNYA SUDAH PUAS DENGAN KEMENANGAN MEREKA DAN MEREKA BEGITU GEMBIRA MELIHAT KEGAGALAN KOMUNIS, MEREKA BEGITU GEMBIRA YANG NEGARA-NEGARA KOMUNIS ITU MENGHADAPI TEMPOH MASA YANG KRITIKAL,+ KATANYA.

SAMBIL MENGANGGAP SIKAP SEPERTI ITU SILAP, BELIAU BERKATA APA YANG BARAT PERLU LAKUKAN IALAH CUBA MEMBANTU DAN BERSIKAP SIMPATI DAN CUBA MEMAHAMI BAHAWA MEREKA TIDAK AKAN PULIH DENGAN SEBEGITU MUDAH.

+MEREKA MEMERLUKAN MASA 20 ATAU 30 TAHUN SEBELUM MEREKA BOLEH MEWUJUDKAN SEMULA PASARAN BEBAS APABILA MEREKA MEMERLUKAN USAHAWAN, PENGURUS DAN PELBAGAI JENIS KEMAHIRAN YANG DIPERLUKAN OLEH SISTEM PASARAN BEBAS UNTUK MENCAPAI MEMAKMURAN. KITA AKAN MELIHAT MUNCULNYA ZAMAN PERGOLAKAN DEMI PERGOLAKAN,+ KATANYA.

BELIAU BERKATA, WALAUPUN SENANG UNTUK MENGATAKAN KUASA RAKYAT TELAH MENGEMBALIKAN DEMOKRASI SEMULA, TETAPI FIKIRAN MANUSIA TIDAK SAMA. -- LAGI.

1524MST 28 12 89

D093

R B135 AAB
MAHATHIR - RAMALAN 3 KUALA LUMPUR (EMBARGO)

MEREKA MEMPUNYAI PENDAPAT YANG BERBEZA-BEZA TENTANG BAGAIMANA SESUATU PERLU DILAKUKAN DAN MEREKA AKAN BERBELAH-BAHAGI SEBAIK SAHAJA MEREKA MENGGULINGKAN REJIM KOMUNIS, KATANYA.

+MEREKA AKAN BERPERANG SESAMA SENDIRI DAN JIKA MEREKA TIDAK DAPAT MEWUJUDKAN SEBUAH KERAJAAN YANG STABIL, AKAN TIMBUL PULA PELUANG UNTUK PIHAK TENTERA ATAU KOMUNIS MUNCUL SEMULA. MEREKA AKAN MEMBERI JAMINAN UNTUK MEWUJUDKAN KESTABILAN... TENTULAH ADA HARGANYA... DAN OLEH KERANA PIHAK LAIN TIDAK MAMPU MENJAMIN KESELAMATAN, ORANG INI MUNGKIN BOLEH PULA MEREbut KUASA DENGAN PAKSAAN.+

MENGENAI SAMA ADA ISLAM AKAN MENJADI SATU-SATUNYA PILIHAN YANG TINGGAL UNTUK DUNIA, PERDANA MENTERI BERKATA IA BANYAK BERGANTUNG KEPADA UMAT ISLAM SENDIRI.

+MALANGNYA KINI NEGARA-NEGARA ISLAM TIDAK MENUNJUKKAN CONTOH-CONTOH YANG BAIK. MENGATAKAN ISLAM ITU BAIK ADALAH BERBEZA DENGAN MENGATAKAN BAHAWA ORANG YANG MENGANUTI ISLAM ITU BAIK.+

KATANYA, MEREKA TELAH MENUNJUKKAN SIKAP SUKA BERBALAH, TIDAK BERTOLAK ANSUR, BERTELAGAH ANTARA SATU SAMA LAIN, MEMBERI TAKRIF YANG SILAP KEPADA AJARAN AGAMA MEREKA SENDIRI DAN SECARA AMNYA, MEREKA BUKANLAH ORANG YANG MENGAMALKAN AJARAN ISLAM DENGAN BAIK. OLEH ITU MEREKA BUKANLAH CONTOH YANG BAIK.

+JIKA MEREKA TIDAK MENJADI CONTOH YANG BAIK, BAGAIMANA MEREKA HENDAK MENJADI CONTOH TENTANG BAGAIMANA SESEBUAH NEGARA HENDAK DIPERINTAH SECARA MAKMUR DAN SEJAHTERA. TIDAK USAHLAH KITA MENIPU DIRI KITA. KITA MENGINGININYA TETAPI KEBANYAKAN ORANG ISLAM TIDAK MENGAMALKAN APA YANG MEREKA AJARKAN.+ -- BERNAMA.

1531MST 28 12 89